

Na osnovu odredaba Procedura za pripremu i provođenje postupka javnog nadmetanja-licitacije za prodaju sredstava Zavoda zdravstvenog osiguranja i reosiguranja FBiH, broj: 01/D-01-2-2467-1/13 od 21.10.2013.godine, Zavod zdravstvenog osiguranja i reosiguranja Federacije Bosne i Hercegovine, o b j a v l j u j e :

J A V N I O G L A S
za prodaju motornog vozila putem licitacije-
sistemom zatvorenih ponuda

1. Podaci o vozilu

Predmet licitacije je motorno vozilo sljedećih karakteristika:

- Marka i model: Škoda Fabia 1,9 SDI- 47 KW;
- Boja: SREBrena METALIK;
- Broj šasije: TMBPF16Y154339995;
- Broj motora: ASY303037
- Snaga/zapremina (kW/cm³): 47;
- Godina proizvodnje: 2005;
- Vozilo registrovano do: 07/2027;
- Stanje: neispravno tehnički i mehanički;
- Neispravnost na vozilu su sljedeće: sistem upravljanja pumpa servo volana, signalizacija na vozilu prednji farovi stop svjetla, ručna kočnica, prednja kočnica prednji diskovi, ovijes vozila sa kompletnim amortizerima-aksijalnim i selen blokovima-ležajevima vozila, kugle i krajnjice.
- Karoserijsko stanje vozila je djelimično havarisano (zadnji kraj i stop svijetla);
- Pređena kilometraža: cca 190 000 km;
- Početna cijena: 2.032,10 KM (sa uračunatim PDV-om).

2. Pravo učešća

Pravo učešća u postupku licitacije-sistemom zatvorenih ponuda imaju pravna i fizička lica, osim lica koja po zakonu ne mogu steći pravo svojine na sredstvima koje su predmet prodaje.

Članovi komisije, lica sa posebnim ovlaštenjima i odgovornostima i članovi organa upravljanja Federalnog zavoda ne mogu davati ponude za kupovinu sredstva, kako u svoje ime, tako i za druga lica.

3. Pregled vozila

Vozilo se može pogledati na parking prostoru ispred Zavoda, na adresi Trg Heroja br.14., u Sarajevu, od 14.09.2026. godine do 16.09.2026. godine, u periodu od 12,00-14,00 sati uz obaveznu telefonsku najavu.

Kontakt osoba je Ešref Subašić, telefon: 033/728-742.

Vozilo se prodaje u viđenom stanju, "viđeno-kupljeno". Kupac nema pravo na naknadne prigovore i reklamacije po pitanju kvaliteta, stanja, funkcionalnosti, izgleda, skrivenih ili drugih eventualnih nedostataka motornog vozila. Naknadne reklamacije reklamacije se ne uvažavaju.

4. Sadržaj ponude

Ponuda mora da sadrži:

- za fizičko lice - ime i prezime, ime jednog roditelja, adresa i broj telefona, broj tekućeg računa, popunjen i potpisan Obrazac za cijenu ponude,
- za pravno lice - naziv pravnog lica, adresa i broj telefona, potpis ovlaštene osobe i pečat, ime i prezime osobe ovlaštene za zastupanje u postupku javne prodaje-licitacije, kopija rješenja o upisu u sudski registar ne starije od tri mjeseca ovjereno od strane nadležnog organa, broj poslovnog računa, popunjen potpisan i pečatom ponuđača ovjeren Obrazac za cijenu ponude,
- Ponuđena cijena treba da bude iskazana u konvertibilnim markama (KM) i u cijelim brojevima, bez decimala.
- Cijena ponude dostavlja se u Obrascu za cijenu ponude, koji se nalazi u prilogu ovog oglasa.
- Ukoliko ponuđač ne dostavi bilo koji od traženih dokumenata ili ukoliko ponuda ne sadrži sve podatke, ili su isti nedovoljni za procjenu i analizu ponude, ista će biti odbačena kao nepotpuna.
- Ponuda mora biti potpisana od podnosioca, a ukoliko je ponuđač pravno lice, ista mora biti i ovjerena pečatom pravnog lica.

5. Dostavljanje ponude

Ponude se dostavljaju na popunjenom obrascu iz ovog oglasa, u zatvorenoj koverti, sa naznakom **«Ponuda za licitaciju motornog vozila - NE OTVARAJ»** poštom ili neposredno na protokol Zavoda, ulica Trg Heroja 14, 71000 sarajevo.

Obrazac za cijenu ponude se može preuzeti na recepciji Zavoda zdravstvenog osiguranja i reosiguranja F BiH kao i na web stranici Zavoda.

Krajnji rok za predaju ponuda je 21.09.2026. godine do 10:00 sati, uključujući i sve ponude upućene putem pošte, a pristigle do naznačenog datuma i vremena.

U obzir će se uzeti samo ponude koje, bez obzira na način dostave (poštom ili lično), budu zaprimljene na protokolu Zavoda do 10:00 sati.

Sve ponude pristigle poslije navedenog roka, bez obzira kad su poslane, kao i ponude sa ponuđenim iznosom manjim od utvrđene početne cijene, neće se uzeti u razmatranje.

6. Javno nadmetanje

Javno otvaranje ponuda uz prisustvo zainteresovanih fizičkih lica i ovlaštenih predstavnika pravnih lica koja dostave ponude, **održati će se dana 21.09.2026. godine u 11,00 sati, u Zavodu, u sali broj 1, u prizemlju, na adresi Trg Heroja broj 14, 71 000 Sarajevo.**

Javnom otvaranju mogu prisustvovati ovlaštene osobe pravnog lica/ponuđača, ili fizičko lice/ponuđač, uz prezentaciju ovlaštenja i identifikacionog dokumenta. Prije otvaranja dostavljenih ponuda, javno se saopštavaju pravila javnog nadmetanja.

Predsjednik komisije otvara prispjele ponude, čiji se sadržaj unosi u listu ponuđača koja sadrži: naziv ponuđača, redni broj ponude po prispjeću, ponuđeni iznos i prihvatljivost ponude.

Ponude koje ne ispunjavaju tražene zahtjeve iz javnog oglasa, kao i ponude sa cijenom nižom od početne cijene, neće se uzeti u razmatranje.

Ukoliko dva ili više ponuđača ponude istu cijenu, koja je ujedno i najviša cijena, pobjednikom javnog nadmetanja će biti proglašen ponuđač koji je po datumu i vremenu prijemnog štambila pisarnice Zavoda ranije dostavio ponudu.

Nakon razmatranja liste ponuđača, utvrđuje se najpovoljnija ponuda o čemu se usmeno obavještavaju prisutni ponuđači. Predsjednik Komisije proglašava pobjednika javnog nadmetanja/licitacije.

Ako se na javni oglas javi samo jedan ponuđač čija je ponuđena cijena ista ili viša od početne cijene/vrijednosti vozila, isti se proglašava pobjednikom nadmetanja.

7. Obaveze Kupca i Prodavca

Po završenom postupku javnog nadmetanja Zavod će zaključiti kupoprodajni ugovor sa odabranim ponuđačem u roku od 7 dana od završetka postupka javnog nadmetanja.

Ako ponuđač ne pristupi sklapanju ugovora o kupoprodaji ili ukoliko nakon zaključenja ugovora odustane od njegove realizacije Zavod zadržava pravo dodijeliti ugovor prvom sljedećem ponuđaču sa liste uspješnih ponuđača.

Kupac je dužan za kupljeno vozilo uplatiti puni iznos kupoprodajne cijene u roku od 7 dana od dana potpisivanja ugovora o kupoprodaji, a plaćanje se vrši sa bankovnih računa navedenih u obrascu ponude.

Kupac je dužan za kupljeno motorno vozilo uplatiti puni iznos u korist Zavoda, na račun broj: 102050000064018 kod UNION BANKE d.d. Sarajevo.

Primopredaja, odnosno preuzimanje vozila vrši se nakon dostavljanja dokaza o izvršenoj uplati kupoprodajne vrijednosti.

Kupac je dužan preuzeti kupljeno vozilo u sjedištu Zavoda na adresi Trg heroja 14, Sarajevo, najkasnije u roku od 7 dana od dana uplate kupoprodajne cijene.

Troškove poreza, prijenosa vlasništva, transporta i sve druge troškove snosi kupac.

8. Dodatne informacije

Da bi licitacija bila uspješna mora biti dostavljena najmanje jedna validna ponuda.

Tekst javnog oglasa/licitacije će biti objavljen na web stranici Zavoda: <https://zzofbih.ba/>, u jednom listu i na oglasnoj ploči Zavoda, Trg Heroja broj 14., Sarajevo.